

Жезқазған тау-кен-технология институтын ұйымдастыру туралы

Қазақстан Республикасы Министрлер Кабинетінің қаулысы 1992 жылғы 21 қаңтардағы
N 42

Қазақстан Республикасының Министрлер Кабинеті қаулы етеді:

1. Халық депутаттарының Жезқазған облыстық Кеңесі мен Қазақстан Республикасы Халыққа білім беру министрлігінің 1992 жылдың 1 ақпанынан бастап, Қарағанды политехника институты Жезқазған филиалының негізінде Қазақстан Республикасы Халыққа білім беру министрлігіне бөлінген бюджет қаржыларының шеңберінде Жезқазған тау-кен-технология институтын ұйымдастыру туралы Қазақстан Республикасының Мемэкономикомымен және Қаржы министрлігімен келісілген ұсынысы қабылдансын.

2. "Жезқазғантүстімет" ғылыми-өндірістік бірлестігі, "Балқашмыс", "Қазвольфрам" өндірістік бірлестіктері, Жәйрем кен-байыту комбинаты, "қазмысқұрылыс" тресі, облыстық өндірістік автомобиль транспорты бірлестігі және облыстық агроөнеркәсіп комитеті өндірістік коллективтерінің осы кәсіпорындар мен ұйымдардың үлестік қатысуы есебінен 1992-1995 жылдары оқу-лабораториялық үй-жайларының жалпы алаңы 10 мың шаршы метр Жезқазған тау-кен-технология институтының бас оқу корпусын жобалап, салу жөніндегі инициативасына мақұлдау білдірсін.

3. Қазақстан Республикасының Мемэконокомы мен қаржы

министрлігі 1992-1995 жылдары Жезқазған тау-кен-технология институты үшін 400 орындық студенттік жатақхана мен Жезқазған қаласындағы оқу орындарының оқытушылары үшін 100 пәтерлік тұрғын үйдің құрылысына қажетті қаржы бөлінуін қарастырсын.

Қазақстан Республикасының
Премьер-министрі

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК